

مستطابق

درسماتده بکی پوسته خانه فارشوسنده
دائرة مخصوصه در

مستطابقه موافق آثار جدید مع المنزله قیرل اولنور
درج ایدیلینی آثار اعاده اولنور

دین، فلسفه، ادبیات، حقوق و علوم دن باحث هفته لق رساله در

درسماتده نسخه سی ۵۰ پاره در

قیرلده دن مقوا بورو ایله کوندریلیرسه سنوی
۲۰ غروش فضله آلنیر.

درسماتده پوسته ایله کوندریلیرسه ولایات بدلی اخذ اولنور.

تاریخ تأسیسی :

۱۱ تموز ۳۲۴

مؤسسلی : ابوالعلا زین العابدین - ح. اشرفی ادیب

سنه لی ایلیفی

۳۵ ۶۵

۵۰ ۹۰

۵۵ ۱۰۰ غروشدر.

درسماتده

ولایاتده

ممالک اجنبیهده

برنجی سنه

۳۲۶ رمضان ۱۲ پنجشنبه ایلول ۲۵ ۳۲۴

عدد : ۷

شرع و حکمت اولان شو نقطه دن تدقیق ملاحظه یه موفق اولانلر
شئونات الهیه نك بوقسمی ده موافق مصلحت بولورلر .

زیرا حدود شریعتدن انحرافك بادی شقا و محافظه احکام ربانیه نك
داعی سلامت و باعث ارتقا اولمسی بودرلو زجر و تشکیل اجرا آتته
لزوم قطعی کوسترمکده در. نصل که اک زیاده شفقتی پدریله اولادینی
موجب سمادتی اوله جق بر مسالکه سوق ایتک ، کوزل خویله
آلشیرمق ایچون ایجابنده تکدیر وتوبیخ معامله سندن باشقه تریب
ومؤاخذه یی ده روا کورمکدن چکنیز ، هیچ بر عاقل نظرنده ده آنک
بونوع معاملاتی ناخوش عد اولنماز.

مالک یوم الدین :

روز جزاده کافه امور عبادک مالک عظیم الشانی.

(مالک) یرینه « مالک » دخی اوقونور. چونکه قراء عظامک بر
قسمی « مالک » ، بر قسمی ده « مالک » اوقومشلدردر . « مالک » اعیان
مملوکه ده تصرف مطابق معناسنه « مالک » دن ، « مالک » امر ونهی ایله
ذوی العقولده تصرف معناسنه « مالک » دن مشتق اولوب شان الوهیه
شایان تعظیم افاده سندن هیچ بری خالی دکدر . زیرا کرک عالم مالک
ولیکوتده کیف مایشاء تصرفدن عبارت مالکیت مطلقه وکرک بتون
عباده حاکیت معناسنه مالک قطعی وسلطنت دائمه خلاق متعال وحکیم
ذوالجلال تقدس عن الشبیه والزوال حضرتلرینک خصائص جلیله
سبحانیه سندن اولدینی وارسته قید تذکاردر .

سؤال : جناب حقک ملکیت ومالکیتی کافه ازمینه وامکنه یی محیط
اولدینی حالده « یوم الدین » ه اضافتک حکمتی ندر؟

جواب : روز شمداند بروز قیامت دیمک اولان یوم مذکورده

نفسیه شریف

الرحمن الرحیم :

ظاهر وباطن بتون نعمتک ، دنیوی و اخروی هر درلو عاطفتک
منعم مراحم نشانی .

[رحن ورحیم] اسم شریفلرینک بوراده ورودی (بسمله
شریفه) نك جزء سوره اولادیفنه دائر حنفیه قوانی تأیید ایتکده در .
چونکه جزئیات تقدیرنده تکرر ایتش اولورلر. جزئیاتی التزام ایدن
شافیه فائده تکراری اثبات ایچون خیلی تکلفاته مجبور اولمشلردر .

« بسمله شریفه » تفسیری صیغه سنده نوع صیغه اعتباریله شوایی
اسم شریف بیننده کی فرق واکا تفرع ایدن بعض نکت ومزایا ذکر
ایدلش، جناب حقدن غیری منعم حقیقی تصورینه امکان اولمدیفنی
ایضاح مقصدیله ده نعم سبحانیه نك تنوعی وغایت وسعتی موضوع بحث
قلمش ایدی. رحمت وانعام ایله اتصاف سبحانی بیانده اسمین شریفین
بینی جمع ایتک وسعت مذکورده نك اک پارلاق شاهیددر. وسعت رحمت
و کثرت کرم الهی ایسه تعدی حدود وانتهاک حرمت ایدن کسانه ،
ارباب جرم و طغیان دنیا وعقباده ترتیب عقوبت واعداد عذاب بیورلمسند
مانع اولیه جفی آشکاردر .

چونکه ذکر ایتدیکنز عقاب وعذاب صورت قهر وانتقامده ،
مبتلاسنک موجب تألمی اوله جق حال وهیئده رونما اولمقده ایسه ده
تربیه عومیه ومحافظه صلاح عالم نقطه نظرندن باقینجه فی الحقیقه
رحمت وکرم آثارندن معدود اوله جفنده شبهه قالماز . مجمع البحرین

ظاهراً دخی هیچ بر فردك مداخله امورہ اقتداری اولیہ جنی جہتلہ
حق جل و علا حضرتلرینك تدبیر و تصرفده تفرد سبحانیسی اوزمان
تماماً آشکار اولہ جقدر. دنیاہدہ ایسہ - ولو ظاہری اولسون - تدبیر
و تصرف قولردن ده صادر اولمقدہدر. (لن الملك اليوم لله الواحد القهار)
نظم جلیلی ده بو حقیقی مشعردر .

مناسرتلی اسماعیل مہی

نجائب قرآنیہ

آیت - ۱۸۸

« ولاتأكلوا أموالكم بينكم بالباطل - الآية »

ارہ گزده ماللریکزی [قار، سرقت، غصب، نهب، ودیعه وامانتہ
خیانت کبی صورتلر ایله] بغير حق یمنیک [مباح و مشروع اولمیان
وجہ ایله بری بریکز مالنی اخذ ایتیک] و [حقسز اولدیغکزی] بیلوب
طوررکن [بالحا کہ] ناسک اموالندن بر قسمی [شہادت زور و عین
کاذب کبی موجب] اثم [اولور شیلر] ایله یمنک ایچون ماللریکزی
حا کرک [حکمنہ] دوشورمیک [بعضیلری] : « وتدلوا بها » قول
کریمنی بعض اموالی رشوت طریقہ حکام سوئہ ویرمیک صورتندہ
تفسیر ایلشدر - کشاف] .

روایت اولندی کہ عبد ان الحضرمی ، امرؤ القیس الکندیدی بر
قطعه ارض ادعا ایتدی و پیئندی اولدیغندن رسول اکرم صلی الله
علیه وسلم افندمن امرؤ القیسہ یمن تکلیف ایلدی . امرؤ القیس
یمنہ مہیا بولدیغی صرہده رسول اکرم افندمن « ان الذین یشترون
بمہدالله - الآية » نظم جلیلی قرائت بیورمسیلہ امرؤ القیس یمندن
نکول ایتدی . صاحب رسالت افندمنده ارض مدعا بہایی عبدانہ تسلیم
ایتدی . بونک اوزرینہ بو آیت کریمہ شرف نزول ایلدی . شودہ
روایت ایلدی کہ ایکی کیمسہ حضور نبویدہ مرافعہ اولدیلر . رسول
اکرم افندمن آنلرہ دیدی کہ بن دہ سزک کبی انجق برانسانم . سزہم
یانمدہ مرافعہ اولیورسکز . اولہ بیاور کہ ایکیزدن بریکز سرد ایلدیکی
دلیل و حجتہ او برندن دہا عارف و متبصر اولمغلہ بن دہ اندن استماع
ایلدیکمہ کورہ انک لہنہ حکم ایدرم . شاید بنا کا قرنداشتک حقندہ
برشی ایله حکم ایدرسہم بنم ظاہر حالہ موافق اولدق وقوع بولان
حکم و قضامہ مغرور اولوب دہ صاقین اندن برشی المسون ، زیر اظہر
شریعتہ کورہ انک لہنہ حکم ایدہ حکم شی قرنداشتک حق ایسہ او آتشدن
برپارچہدر ، بنم حکم ایله حرام اکا حلال اولمازہ . او کیمسدر بونصح
حقیقت نمای محمدین متأثر اولوب بکا ایتدیلر و ہربری بنم حقم محب
ویارمک اولسون دیدی . بونک اوزرینہ نجی مجتبی علیہ افضل التحایا
افندمن : ہایدی کیدک ، ایشک طوغریسنی قصد ایدک و صکرہ بری
بریکزدن استمالل حقوق ایلک بیوردی - ابوالسود .

قاضی شرح رحمہ اللہ حضرتلری حقسز ظن ایلدیکی محکوم اہہ
دیر ایدی کہ ایشته بن سنک اہکہ حکم ایدورم ، بن ایسہ سنی حقسز
ظن ایلورم ، لکن نزدمدہ اقامہ اولنان پینہ موجبہ حکم ایتامک
وسعم داخلندہ دکدر . مع مافیہ بنم حکم حرامی سکا حلال ایتز -
تفسیر خازن . برکت زادہ : اسماعیل مہی

صفحات حیاتدن

اناندر

« اختلاف مطالع سبیلہ کردہ اوزرندہ
اذانسر زمان یوقدر . »

زمان کچمز کہ یوز بیگلر جہ قلبک وجد سکرانی
زمیندن یو کسلوب ، کوکلردہ وحدتزار یزدانی
آرارکن ، دہشت آکین ایتسون بر صیغہ وجدانی .
نہ لاهوتی صدا « الله اکبر ! » صار صیورجانی ..
بو برکلبانک حقدر ، چوقیدر ایکلتسہ اکوانی ؟

بولاهوتی صدا چیقدقجہ جوشا جوش اولوب یردن ،
ایئر اسرار قدرت کبریا طوریلہ کوکلردن .
بتون آہنک خلقت یاد ایدرکن حق از بردن ،
وجاہی فیض آلیر آرتق اونور النور ازہردن :
ہویدا شیدی جاناندر سحر دن ، شام اسمر دن !

سحر وقتندہ موجودات نوشین خواب ایچندہ یکن ،
بوروحانی نوا آفاقی موجا موج ایدوب بردن ،
کلیرانفاس صبح آسا ، اولور وجدانہ وجد افکن .
نمایان سو بسوظلت ، فقط بر ظلت روشن !
سما بیدار ، ہر بیلدیز جال اللهہ برروزن !

معیشت قید جانفرسانک محکوم بیزاری
اولان بیچارہ رکوندوز بو یاد مرحمتکاری
طویار سرمست اولور کورمش قدر فردای دیداری !
اونشویلہ ، یورولمق شویلہ طورسون ، اک آغیر باری
سور و کلر کورمہدن ، کوسترمہدن ییلغینلق آثاری .

کونش مغرب کزین اولمش ، سما اسمر ، افق کلکون ،
زمان طورغون ، زمین مغبر ، جہان دمبستہ ، جان محزون
غریبک رونما یر یر ، سکونت دمبدم افزون ..
باقارسک برده کلبانک الہیدن طولوب کردون ،
اوتہایی سوداوی اولور الله ایله مسکون !

اینوب وقتا کہ لیلک دست استیلاسی غریاہ ،
سرر دنیاہ ظلمندن عدم شکلندہ برسایہ ،
نظر مدہوش و مستغرق کیدرکن زیر وبالاہ ،
دونر ، « الله اکبر » جوشی یوکسلہجہ مولایہ ،
او مظلم سینہ خلقت تجلیزار سینایہ !